

明·毛晉編

文史叢
刊之二

史料叢編
(中)

台灣大通書局印行

羅振玉輯

文史叢
刊之二

史料叢編
(中)

台灣大通書局印行

高宗純皇帝起居注殘稿

臣羅振玉恭校錄

乾隆五十三年歲次戊申十月十六日甲辰

上詣時應宮 昭顯廟拈香

駕進宮是日吏部議浙江巡撫琅玕奏署處州府同知

赫爾謹試俸期滿准實授一疏內閣奉

諭旨赫爾謹依議用餘依議又兵部議閩浙總督李侍

堯奏福建南澳鎮標左營遊擊李得勝籍隸本府

准與水師提標後營遊擊謝恩詔對調一疏奉

諭旨依議李得勝依議調補

是日

起居注官玉保吳璚

十七日乙巳內閣奉

諭旨塔爾巴哈臺乃邊遠之地卡倫外皆屬哈薩克等
游牧務得通外夷之性經過新疆之事領隊大臣於
一切巡查等處方有裨益盛住乃由文職歷經外任
之人恐不能勝任庫爾喀勒烏蘇尚屬無事將佟福
保調補塔爾巴哈臺領隊大臣所遺員缺著盛住調
補是日吏部議廣□巡撫孫永清奏太平府知府員
缺□□□府知府林虎榜調補一疏奉

諭旨林虎榜依議用餘依議又兵部□□□□協右
營遊擊員缺擬以安籠鎮□□□□敦多克掣

補一疏奉

諭旨敦多克依擬用餘依議又議四川總督□□傑奏
阜和協右營都司員缺准以委用□□什格補授
一疏奉

諭旨什格依議用餘依議又議閩浙總督李侍堯奏浙
江象山協左營守備員缺准以樂清營千總周景
叨補授一疏奉

諭旨周景叨依議用餘依議又吏部帶領十月分滿月
選官工部員外郎寶書禮部員外郎富林布

盛京戶部主事滿德刑部主事阿林工部司庫武赫
國子監博士和綸光祿寺署丞永成引

見奉

諭旨寶書等依擬用又帶領四月分滿月選官

盛京工部員外郎玉柱九月分戶部員外郎德敏引見奉

諭旨玉柱等依擬用

是日

起居注官鐵保陳嗣龍

十八日丙午內閣奉

諭旨據李奉翰奏清口惠濟祠

天后神廟歲時報祭未著祀典請一體頒發祭文於春秋二季致祭等語前因派往臺灣官兵渡洋穩順仰

庇

神庥特於

天后封號上加顯神贊順四字並令在湄州本籍祠宇
春秋致祭以彰靈感今清口惠濟祠供奉

天后神像屢著顯應本年河流順軌運道深通自應一
體特著明裡以光祀典著交翰林院擬祭文發往於
春秋二祭令地方官虔誠致祭並著李奉翰將新加
封號四字敬謹增入

神牌俾河工永慶安瀾益昭

靈貺又奉

諭旨河南開歸陳許道員缺著善泰補授是日兵部奏

廣西賓州營叅將員缺擬以四川崇化營遊擊亮
 福籤陞四川宜昌鎮標中營遊擊員缺擬以四川
 馬邊營都司李蔭棠籤陞四川提標右營遊擊員
 缺擬以浙江紹興協中軍都司齊永泰籤陞湖北
 襄陽鎮標右營遊擊員缺擬以直隸潘家口都司
 常興籤陞福建邵武城守右營都司員缺擬以四
 川黎雅營守備覃章繡籤陞陝西綏德城守營都
 司員缺擬以陝西河州鎮標右營守備石榮籤陞
 江西贛州城守營都司員缺擬以福建長福營守
 備陳大成籤陞貴州鎮遠鎮標守備員缺擬以四
 川成都營千總李永陞籤陞河南歸德營守備員

缺擬以四川靖遠營千總秦元貞籤陞廣西提標
守備員缺擬以山東濟寧衛後幫千總李玉章籤
陞湖廣督標守備員缺擬以甘肅巴里坤城守營
千總何成章籤陞福建福寧鎮標守備員缺擬以
甘肅肅州鎮標千總陶承恩籤陞福建建寧鎮標
守備員缺擬以四川冕山營千總祁麟籤陞湖北
竹山營守備員缺擬以山東臨清衛後幫千總孫
掄魁籤陞廣東右翼鎮標守備員缺擬以湖南撫
標千總汪萬年籤陞一疏奉

諭旨亮福等依擬用餘依議又鑲白旗滿洲都統奏補
吉林防禦印務章京世管佐領等缺帶領正陪人

員引

見奉

諭旨烏成額著補授防禦剛奎巴克坦布著補授印務
章京霍敏之世管佐領著英奎補授又鑲白旂蒙古
都統奏補西安佐領帶領正陪人員引

見奉

諭旨克星厄著補授西安佐領

是日

起居注官陸伯焜德昌

十九日丁未內閣奉

諭旨前據孫士毅奏安南國因土酋阮岳等搆亂該國

王黎維禔將舊傳印信遺失嗣因黎維禔病故嗣孫維祁避居在外未有確信是以尚未冊封補給現據查奏黎維祁在該國良才縣地方招集義兵以圖恢復並有旨令孫士毅由廣西一路親統大兵直抵黎城烏大經帶領弁兵由雲南蒙自一路進剿夾攻官兵一到自當將阮惠黨羽尅日擒獲安南臣事本朝最為恭順將來事定後即當冊封黎維祁為安南國王所有該國補給印信及封冊勅文著各該衙門預行撰擬鑄造俟孫士毅等奏報捷音到日即行發往其該國舊印即使將來尋獲但業因內訌遺失即屬該國不祥之物應令送部查銷又奉

諭旨據圖薩布奏本年廣東鄉試諸生中年躋九十之
羅舜臣吳相江鳳鳴陳鳳翔三場完竣未經中式又
據李慶茶奏本年貴州鄉試諸生內有游鑑乾朱錦
雯胡之寧年登八十三場完竣俱未中式等語該生
等皓首窮經精神矍鑠踴躍觀光洵為藝林嘉瑞羅
舜臣吳相江鳳鳴陳鳳翔游鑑乾朱錦雯胡之寧俱
著加恩賞給舉人一體會試用昭壽考作人至意又
奉

諭旨浙江杭州府知府員缺緊要著該督撫於通省知
府內揀選一員調補所遺員缺著吳元琪補授又奉
諭旨嵩椿節次所罰公俸事件俱係私罪其將軍都統

職任內所罰之俸尚屬因公今又將伊調補西安將軍著加恩將嵩椿所罰二十三年職任俸概行寬免是日太常寺奏十一月二十四日冬至致祭

永陵

福陵

昭陵一疏奉

諭旨

永陵遣和齊匡郭行禮

福陵遣喀爾崇阿行禮

昭陵遣續恒行禮

是日

起居注官璫五珠曹城

二十日戊申內閣奉

諭旨據勒保奏甘肅各屬秋禾分數通計收成八分有餘內惟平涼等八州縣間有被雹被旱之處又平羅一縣瀕河地畝間被水漲淹浸委員查勘俱不成災惟收成未免歉薄等語平涼等州縣本年夏秋以來間被雹旱澇水雖不致成災但田禾未免受傷收成稍為歉薄民力不無拮据著加恩將平涼華亭武威平番古浪臯蘭金縣狄道平羅九州縣本年應征正借銀糧及舊欠銀糧草束俱緩至來歲征收俾從容完納以紓民力仍著該署督於今冬明春察看情形

如有缺籽乏食酌量借給接濟以示朕惠愛邊黎格外體恤至意該部遵諭速行又奉

諭旨本年湖北荊州等屬被災較重現據畢沅等查明災分輕重情形分晰具奏所有荊州漢陽宜昌武昌安陸各府所屬州縣成災至九分十分者著將乾隆五十三年應徵錢糧加恩蠲免其成災六七八分者著交該部查照該督等原奏於應行緩徵定限分年帶徵之外再酌為遞緩寬限一季帶徵以示格外體恤餘著該部妥議具奏畢沅等摺併發又奉

諭旨兵丁等所借庫銀應坐扣本年十二月次年正月銀兩著加恩展限兩個月是日吏部議廣東巡撫圖

言
薩布奏署樂會縣知縣王宿善試俸期滿准實授
一疏奉

諭旨王宿善依議用餘依議又議圖薩布奏署花縣知
縣鍾光哲試俸期滿准實授一疏奉

諭旨鍾光哲依議用餘依議是日戶部議四川總督李
世傑奏酌定運藏糧石脚價應如該督所奏惟查
藏內既有慶麟等所辦糧食且官兵赴藏各有裹
帶口糧其藏事撤回是否將藏內餘米量為裹帶
此項米石是否預備接濟沿途不敷之用抑或因
察木多等處採買不敷必須內地接濟之處原摺
均未詳晰聲明請交該督查明覆奏一摺奉

諭旨依議巴勒布賊匪易於勦辦目下即可竣事且藏
內備辦糧石充裕原毋須內地多運米石接濟所有
運送出口米四千餘石自係預備沿途支食之用但
官兵赴藏各有裹帶口糧自應核計裹帶糧食若干
足敷幾日支食足自何處若自打箭爐裹帶之糧是
計日到藏之數則藏地已有慶麟等所辦之糧足敷
三千兵四月之用又何用自打箭爐運至藏乎且此
項米石是否運至察木多及巴塘等處存貯抑係自
爐直運至藏該督摺內均未聲叙明晰著交該督再
逐一查明迅速覆奏又吏部帶領將軍福康安奏准
賞給知縣職銜在臺灣軍營往來督催糧餉鉛藥